

Sivdnádusa gillámuša galgá váldit duodas

Davvikalohtta girkuid oktasašbargofierpmádaga cealkámuš 10.9.2025.

Davvikalohtta girkolaš oktasašbargofierpmádat lea jahkečoahkkimisttis čiknon biras ja dálkkádatdili ja min buohkaid ruovttu, eanaspáppa suodjaleapmái láktaseaddji gažaldagaide.

Mii háliidit vuohttit eatnama gillámuša. Mii háliidit gullat lagamuččaideamet jiena. Mii váldit duodas sivdnádusa váidalusa.

Hearrá lpmil bijai olbmo Edena gilvvagárdái bargat ja gáhttet dan.
(1. Mos 2:15)

Oktasašbargofierpmádat háliida cealkit:

Sivdnádus – Olmmošvuohta – Oktavuohta

Mii leat Davvikalohtta guovllus sorjavaččat nuppiineamet ja luonddus.
Mii eallit máilmmis, gos oaivilat ja duohtavuodat juhket olbmuid. Min leat bovden guldalit nuppiideamet ja vuostáiváldit áiggi mearkkaid ja dutkamušdieđu dain nuppástusain maid olbmuid doaimmat leat dagahan min máilmmis.

Mii galgat guldalit eamiálbmogiid jiena, geat leat atnán fuola eatnamis jo guhká. Mii buohkat leat oassi dán seammá sivdnádusas.

Davvikalohtta rašes luondu

Davvin biras lea rašši. Dálkkádatrievdan váikkuha njuolga dasa. Mii geavahit luondduriggodagaid – muhto vuohttit maid negatiivva váikkuhusaid birrasii ja ekosystemii, danin go luonddu geavahit beare materiálaid háhkamii.

Vai eallin davvin livččii vejolaš, olbmui galgá leat riekti ealáhusaideaset ja geavahit luondduattáldagaid – muhto bissovaš vugiin. Mii golahit min dáláš eallinvugiin eambbo maid eana gierdá.

Go eana čieru – mo mii vástidit?

Mii galgat váldit duodas birrasa dili. Mii galgat váldit duodas dutkamušdieđuid. Mii diehtit ahte moraliserejeaddji hállanvuohki váibadahtta – muhto duodalašdilli rávká smiehttat gažaldagaid mat gusket min buohkaid. Passiivvalašvuohta ii leat vejolaš. Juohkehaš sáhtta váikkuhit.

Girku lea sadi, gos mii sáhttit čoahkkanit, ii beare oskku dihte, muhto maid ságastallat, smiehtadit ja bargat ovttas. Mii sáhttit ráhkadit sadi, gos sivdnádusa, vuoiggalašvuohta ja boahtteáiggi guoski gažaldagat ožžot sadi.

Mii eat sáhte olahit buot, muhto mii sáhttit addit sadi dihtui, ságastallamii, doaibmamii ja doivui.

Bovdehus oktageardánut eallinvuohká

Vare ealášeimmet bistilut vugiin sivdnádusa dihte ja boahtteáiggi dihte.

Mii háliidit girkun ja searvegoddin doaibmat nu, ahte biras ii gillášii ja seammás hásttit earáid maid eallit nu.